



15913

I

Mag. St. Dr.

P

*Gordkowski Michaelis Alberti Conclusiones*

*Juris utriusque de iustitia et iure —*



2404 *Frax.*



D. O. M. A.  
CONCLVSIONES  
IVRISVTRIVSQVE.

Ex can: Ius. 1. Dist: & L. 1. ff.

DE IVSTITIA ET IVRE.

Iuncto §. 1. Instir: cod. & sequen.

Q V A S

*Sub Præsidio Consultissimi & Clarissimi Viri Domini,*

D. M. STANISLAI POMORSKI I. V.  
Ordinarij Professoris Collegæ DD. Iureconsultorum  
Augustissimi Collegij Vniuersitatis Crac: In Col-  
legio Lubransiano Studij Academici pro tunc  
DIRECTORIS.

*Proponet ad Disputandum*

MICHAEL ALBERTVS GOSTKOWSKI I. V. CAN-  
didatus, Præpositus S. Spiritus in Mieyska Gorka in Lectorio DD.  
Iurispr. Mense                      Die                      Hora.

---

POSNANIÆ,

In Officinâ Ioannis Rossowski, Anno 1 6 2 2.

---



In Arma antiquissimæ Familiæ Włostouiorum.



C. R. BIBLIOTHECA  
VNIV. JAGELL  
CRACOVIENSIS

15913 I

*Hic mihi de rutilo esse aries censetur Olympo,  
Quo Włostouiacus Stemma fulget honos.  
Nam velut ille facit florentia tempora veris:  
Vernat & hac magno semper honore domus.*

Stanislaus Pruski  
Stud. Póéf.



Illustri & Magnifico Domino,

D. VENCESLAO WŁO.

STOWSKI CASTELLANO

Kriuinensi dignissimo Domino & Mecœnati  
suo colendissimo.

P. F. P.



E Ariete, Illustr. & Magnifice Domine, cuius etiam imaginem Vestra inclita vetusquæ Familia prosymbolo accepit, varij varia memoriæ prodiderunt. Higinus cum Mythicis tradunt Phryxum Athamantis Thebanorum Imperatoris filium, insidias nouercales fugientem Colchos in ariete aurei velleris cômigisse, eumq; Ioui traduci in signum gratitudinis immolasse, atq; adeo arietem ab ipso Ioue inter sidera cœlestia relatum, primum inter signa Zodiaci locum obtinuisse. Herodotus in Polymnia ait eundem Phryxum dum Colchos nauigaret, propter laboris diuturnitatem, & itineris longitudinem in promontorio Brixaba conqueuuisse: imminetibus verò illius exitio piratis ab hoc ariete excitatum fuisse, atq; ita Colchos incolumem peruenisse. Alij qui non ita procul ætate ab Herodoto recesserunt, inter quos fuit Didymus, dixerunt Phryxo ad eligendum pulcerrimam in sacrificium victimam, misso Iouis consilio arietem locutum fuisse, atq; omnes nouercæ insidias patefecisse. Quare ille incolumitati suæ prospiciendo, tergori arietis insidens, in remoras se transtulit regiones, ac Dijs postmodum apud fluuium Phasim illum arietem, vt mater sibi significauerat immolauit. Inter has dissentientes Authorum sententias; duo sunt in quibus omnes consentiunt. Alterum est, quod agnus ille aureo vellere præditus fuerit; alterum quod Iouis munere primum inter duodecim signa cœlestia locum acceperit. Hoc idem signum æquinoctiale & regale appellatur, à Græcis verò Kriôs dicitur, quia vbi Sol eius punctum attigerit, inter diem & noctem iudicium quodam modo facit, eosq; in duas partes æquales dispeicit, atq; verno tempori ianuam aperit: Ver enim initium accipit Sole in arietem ingresso, vt Author est Firmicus Maternus, & omnes ferè qui orbium cœlestium conuersiones speculantur. Sed

A 2

quor-



quorum ille plusquam sufficiens sermo de ariete? Nempe ut rationes instituti mei faciliori viâ in propatulum exeant. Est mihi Illustr. & Magnifice Domine certamen propositum cum nouerca scientiarum ignorantia, multas video technas, multas insidias, quibus me circumuolare conatur. Quocirca ad Arietem Tuum confugio, simulq; auxilium exopto, ut illius opera in portum tranquillum deuenire possim. Potuit ut ingeniosa vetustas finxit Phryxus in ariete nouerca insidias effugere? Spem & ego magnam habeo me ius Illustr. & Celeberrimæ Familiæ Vestræ signo hanc dimicationē feliciter confecturum. Neq; enim is sum, qui velim in his de ariete figmentis veritatē Historicam requirere, arcana sunt omnia apud Poetas, & à sensu imperitæ multitudinis remota; sed tamen incredibili artificio aut mores hominum, ad optimam viuendi regulam dirigunt, aut facta virtutesq; Illustrum Heroum sub inuolucrum tegumento ad euitandos inuidiæ morfus celebrant. Itaq; & in præsentī negotio, Virum mihi videntur iustum, prudentem, & magnanimum, in hac de Phryxo narratione depinxisse. Quandoquidem in Ægyptiorum Hieroglyphicis omnes istæ virtutes sub effigie arietis intelligebantur, & ratio ipsa vnicuiq; idem ostendere manifestè videtur. Quis enim tam credulus est? qui perfectâ hac de homine nouercales insidias fugiente historiam aucturum illū arietem tanquā equum conscendisse, & nō potius prudentiæ adiumento, vsum fuisse credat? siquidem nulli Pegasi aut Cillari ita sunt ad euitandas insidias, quàm vnius prudentiæ lumen idonei. Quis item est tam hebes qui non animaduertat per cornua arietis fortitudinem significari? Per illud verò quod iudicium inter diem & noctem faciat, inq; duas partes æquales diuidat, iustitiam. In cœlum deniq; relatum esse arietem, quis aliter interpretari velit? quàm hominibus iustitiâ, magnanimitate, prudentiâq; excellentibus, qui patriam huiuscemodi virtutibus adiuuerint, auxerint, ornauerint, certam esse ac definitam in cœlo sedem, vbi beati æuo sempiterno perfruuntur. Atq; ego Illustr. & Magnifice Domine non aliam ob causam Vestræ Nobilissimæ Familiæ arietem esse pro stemmate donatum arbitror; nisi quia istis virtutibus singulari quadam ratione in Rep. clarescebat, quemadmodum etiamnum cum magna Patriæ consolatione claret. Quam obrem cum meos quoq; conatus in defendendis istis virtutibus vides, Beneuolentiæ Tuæ scuto protegere velis. Hac ratione & Academiam Tuo Amplissimo nomini addictissimam, & parentem meum carissimum, quem semper eximio fauore & beneuolentiâ prosequutus es, reereabis.

Vest. Ill. Cel. addict.

MICH. ALB. GOSTK.  
 l. V. Cand.



# CONCLVSIONES

IVRISVTRIVSQUE.

Ex can. Ius: I. Dist. L. I. ff.

DE IVSTITIA ET IVRE.

*Iunct. §. 1. Instit. eodem & sequent.*

## CONCLVSIO I.



Iustitia est dicta, quasi vim sistat, vel, ut alij, quasi ius sistat. aut ut Isidorus, in c. forus, Ext. de verb. signif. quasi ius status, eo quod in ea ius stet.

## II.

Iustitia est constans, & perpetua voluntas ius suum unicuique tribuendi. l. iustitia, ff. cod.

## III.

Humana Iustitia, de qua nos hic agimus, ad mentem sapientum, diuiditur in vniuersalem & particularem. Vniuersalis est, quæ omnes in se virtutes complectitur, de qua Philosophus. Particularis est, Civilis & Politica quædam, quæ IC. propria est, & hæc à DD. nostris diuiditur in distributiuam, & commutatiuam.

A

Distrib.



### III.

**D**istributiua utimur in honoribus, poenis, muneribus, & alijs id genus, in quorū distributione personarum, & rerū, qualitas attenditur, secundum proportionem Geometricam. Commutatiuam adhibemus in contrahendis vtrò citroque negotijs, in quibus nulla gradus, aut personarum ratio habetur, sed res rei simpliciter confertur. idque seruata proportio re Arithmetica.

### V.

**I**us est ars boni, & æqui, hoc est, exercitium boni & æqui viri, in colenda iustitia. In iure enim, veluti in quodam Sacro iustitiæ templo versamur.

### VI.

**V**trum Iurisprudentia sit diuinarum, atque humanarum rerum notitia, iusti, atque iniusti scientia. Problema facio.

### VII.

**I**ustitia vult unicuique suum tribuere: Ius coadiuuat, & Iurisprudentia docet, qualiter illud fiat. Ad mentem Accursij.

### VIII.

**I**uris præcepta sunt tria. Honestè viuere; Neminem lædere; Ius suum unicuique tribuere. l. iustitia § 1. ff. eodem.



dem. Ex his tribus præceptis, tanquam ex tribus fontibus omnes leges emanant.

### IX.

**I**urisprudentia tradenda est à principio leui, & simplici viâ, & postea diligentissimâ, ac exactissimâ interpretatione. Et hoc, ne studiosus varietate rerum oneratus studia deferat, multos enim diffidentia ab huiusmodi studio, plurimum auertere solet. Hinc refert Faber quatuor esse hostes, qui Scholasticum iuuenem impugnant. Timor difficultatis, terror prolixitatis, paor aduersitatis, & tremor instabilitatis. Primus impugnatur magnificentia & magnanimitate. Secundus conteritur fiducia & securitate. Tertius sustinetur patientiâ. Quartus repellitur perseverantiâ.

### X.

**P**rimum præceptum honeste viuendi, propriè ad mores pertinet, vt omnes nostræ actiones ita instituantur, quemadmodum ratio suadet, & ne quid contra honestatem faciamus, sed semper non solum quod licet, sed etiam quod honestum est, spectemus. l. non omne. & l. semper ff. de reg. iur. c. 1.

### XI.

**S**ecundum præceptum pertinet, ad conseruationem humanæ societatis, ne alter alterum offendat. Quæ verba licet ad corpus videantur referri, tamen intelligun-



tur de quacunque offensione, siue in corpore, siue in fama, siue in bonis facta sit. Nam fama & vita æquiparantur. Et bona, altera hominis vita censentur, ita Gl. & Dd. in l. aduocati. verb. vitam C. de aduocat. diuers. iudic.

## XII.

**Q** Vi dolo & ex proposito alterum occidunt, supplicio capitis ultore gladio prostrati feriuntur, & hoc siue armis fecerint, siue veneno, siue per maleficia, siue ministerio linguæ: vt cumquis præmijs corruptus, iniuste aliquē ad mortem condemnat. l. Lex Iul. §. final. ff. ad L. Iul' repetund: vel falso testimonio ad mortis condemnationem adigit. l. i. ff. ad L. Cor: de Sicarijs.

## XIII.

**Q** Vi libellum siue carmen ad infamiam alicuius componunt capitis poena puniuntur, non ipsi tantum, sed etiam quicunque eum libellum inueniens, manifestauerit, l. vn. C. de famosis libell.

## XIV.

**Q** Vi furto alterius res auferunt, ex consuetudine orbis totius recepta, ultimo supplicio damnantur. Tot Rubr: ff. & C. de furtis.

## XV.

Offen-



**O**ffensio non solum alterius, sed nec etiam sui ipsius  
licita est, quia præceptum illud diuinæ legis, Non  
occides, se ipsum occidentem comprehendit. Can. si non  
licet 23 q. 5. Et ratio est, quia nemo est dominus membro-  
rum suorum, & non maius ius in proprium, quàm in alte-  
rius corpus quisq; habet l. liber homo ff. ad Leg. Aquil.

## XVI.

**T**ertium præceptum pertinet, tam ad distributivam,  
quàm ad commutativam iustitiam, & sic tam perso-  
nas quàm res respicit. Distributiva versatur circa distri-  
butionem pœnarum & pœmiorum, proportionem Geo-  
metrica. Commutativa pertinet ad æqualitatem seruan-  
dam in contractibus, & commutatione rerum proportio-  
ne Arithmetica.

## XVII.

**I**us duplex; publicum, & priuatum. Publicum princi-  
paliter spectat ad statum Reipub. Rom. Priuatum ad  
singulorum vtilitatem refertur l. 1. §. huius studij ff. eod.

## XVIII.

**P**riuatum Ius collectum est, ex præceptis aut Natura-  
libus, aut Gentium, aut Ciuilibus, Atque sic Ius est  
triplex, Naturale, Gentium, & Ciuile.

## XIX.

**I**us naturale est, quod natura omnia animalia docuit. &  
A 3 homi-



hominibus cum brutis commune est l. 1. ff. eod.

XX.

**I**uris Naturalis effectus sunt tres<sup>1</sup> Maris & fæminæ cō-  
iunctio quatenus instinctu naturæ feruntur Liberorū  
procreatio. Nihil enim teste Arist. 2. de Anima, magis nos  
natura docuit, quam generare & procreare, aliud nobis  
simile in specie, vt immortalitatem, quam in indiuiduo  
non possumus, saltem in specie conseruamus: cum autem  
non omnis maris & fæminæ coniunctio licita sit, quoad  
homines l. semper in coniunctionibus ff. de Reg. Iuris  
Matrimonium est introductum. 3 Educatio, ad quam  
quodlibet animal naturalis stimulus hortatur, & voti pa-  
terni est, liberis parare, & locupletare eos.

XXI.

**I**us gentium est, quod apud omnes æqualiter custodi-  
tur, & obseruatur.

XXII.

**E**ffectus Iuris gentium sunt, Religio erga Deum, pie-  
tas erga Parentes, defensio sui ipsius, l. vt vim vi. ff.  
eod. Quod autem lege permittente fit, rectè fit, nec pœ-  
nam meretur, l. Gracchus C. Ad L. lul. de adult. Dum mo-  
do defensio sit <sup>cum</sup> moderamine inculpatæ tutelæ. Bella ad  
puniendos fontes, ad defensionem personarum, capti-  
uitates, manumissio, dominiorum distinctio, omnes ferè  
contractus & obligationes (exceptis quatuor qui à Iure  
Ciuili



Ciuii ortum ducunt stipulatio, literarum obligatio, donatio propter nuptias, & contractus Emphyteuticus) pacta conuenta seruare, nihil enim tam congruum fidei humanæ est, quam ea quæ placuerunt inter nos conseruare. l. i. ff. de pactis. Hinc refert Baldus Aristotelem monuisse Alexandrum, vt promissa seruaret, alias malum finem secuturum esse. Ad extremum Legatorum non violandorum religio. can: lus gen. i. Dist.

### XXIII.

**I**Vs Ciuile, seu positium est: quod quisq; populus sibi constituit. Hinc lus Ciu: Rom. quo nos omnes subiecti Romanæ Ecclesiæ vtimur.

### XXIV.

**I**Vs Ciuile est duplex, Scriptum & non scriptum. Scripti species sunt, sex. **LEX. PLEBISCITVM. SENATUSCON: PRÆTORVM EDICTA: PRINCIPVM PLACITA: RESPONSA PRVDENTVM.**

### XXV.

**N**on scriptum Consuetudo. mores enim diuturni consensu vtentium comprobati, legem imitantur. Can: consuet: i. dist.





...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...

...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...

...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...

...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...

...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...  
...the ... of ...



Biblioteka Jagiellońska



stdr0006618



